



Siverth K. Heilmann

UKA 2022/131-1

Atassut

25. oktober 2022

**Maannakkut angajoqqaajunissamut piginnaasanik misissuisarnerni Kalaallit angajoqqaajusut kulturikkut oqaatsitigullu allaaqutit ilumut naammaginatartumik isiginiarneqartarnersut aammalu angajoqqaatut piginnaasanik nalilersuisarnermut kulturikkut qanimut periutsinik ineriartortitsisoqarsinnaaneranik periarfissaqarnerisoq ersarissaasoqarnissaa anguniarlugu Naalakkersuisut Rigsmyndighed attaveqarfigissagaa pillugu inatsisartut aalajangiiffigissas-
saattut siunnersuut.**

(Inatsisartunut ilaasortaq Anna Wangeheim, Demokraatit)

Siullermik siunnersuuteqartuq qulaani qulequtarineqartumut siunnersuuteqarninnut qujanaq, imatullu naatsumik Atassummiit oqaaseqarfigissavarput.

Siunnersuuteqartup tunngavilersuutai, qanga Kalaallit Nunaat Qallunaat Nunaallu atassuteqarneranut, meeqqat misiliutaasut imaluunniit naartunaveersaasersuisimaneq kukkussutaasarsimasullu pillugit saqqummiunneqartut piffissaq qanittoq tikillugu oqallisaaqisut tusartuarpagut.

Innuttaasut politikkerillu akornanni oqallinneq nalilersuinerillu imaaginnavissut tusartakkat aallavigalugit tupinnanngitsumik assigiaanginnangitsut malinnaavigaagut, qujanartumilli aamma amerlaqisut eqqunngitsumik pineqarsimanerminnik oqariartuutigisartagaat uppersarsineqartalersullu utoqqatserfiginninnermik kinguneqartalersut, paaseqatigiinninngoriartorneri nuannaarutissaavoq.

Uteqqiisaqattaarnerilli piumanagit Atassummiit inassutigiinnarusupparput, suliap aappassaaneer-
qartigani ataatsimiititaliamut susassaqartumut ingerlateqqaarneqassasoq, taamaalilluta Naalakkersu-
isut tunngavissaqarluarlutik Naalagaaffeqatitsinnut apuussaqaarsinnaaqqullugit.

Qujanaq.

